

Акаѳистъ Царю-Мученику Павлу I

Кондакъ 1

Избранный страстотерпче Христовъ и чудотворче предивный, во страданіи твоємъ вѣнецъ пріѣмый отъ руки Вседержителя, и со ангелы предстояй престолу Его, пѣсньми восхваляемъ тя съ любовію и молимся: молитвами твоими отъ всякихъ бѣдъ и скорбей свободдай насъ, тебѣ зовущихъ: **Радуйся**, святой Царю-Мучениче Павле, скорый помощиче и преславный Чудотворче!

Икосъ 1

Ангеловъ сожитель и челоѣковъ заступникъ воистину явился еси, благоѣрный Царю Павле, благоволеніемъ всѣхъ Творца Христа Бога нашего, Его же возлюбилъ еси отъ юности и за Него же претерпѣлъ еси клеветы вражія и кончину мученическую. Нынѣ же престолу Вседержителя со всѣми святыми предстоиши, отраду и вспоможеніе даруеши всѣмъ съ вѣрою и любовію вопіющимъ Ти сице:

Радуйся, Христа въ подвигахъ прославленіе!

Радуйся, Правды Божіей утвержденіе!

Радуйся, нечестія и злоѣрія посрамленіе!

Радуйся, престола Россійскаго украшеніе!

Радуйся, страждущимъ и скорбящимъ вспоможеніе!

Радуйся, унывающихъ всерадостное утѣшеніе!

Радуйся, недуговъ тѣлесныхъ и душевныхъ исцѣленіе!

Радуйся, бурь общественныхъ благодатное умирение!

Радуйся, святой благоѣрный Царю-Мучениче Павле, скорый помощиче и преславный Чудотворче!

Кондакъ 2

Видя Благопромыслитель Господь души твоя доброту, направи твой щюмысль ко исканію единого на потребу. Ты же, сего возжелавше, еще отъ юности навикль еси Господеви воспѣвати: **Аллилуйя!**

Икосъ 2

Разумъ богопросѣщенный стяжалъ еси, угодниче Христовъ, чтеніемъ Писаній Божественныхъ, отъ юности бо твоя напиталъ еси душу твою сладкою пищею словесъ Божіихъ и содѣлался еси вѣрнымъ исполнителемъ заповѣдей Христовыхъ. Тѣмъ же ублажаемъ тя и глаголемъ:

Радуйся, царственнаго рода отрасль прекрасная!

Радуйся, водительство Духа Святаго издѣтски прилежавшій!

Радуйся, добродѣтелямъ великихъ предковъ твоихъ подражавшій!

Радуйся, вѣрою твоею праотцу твоему Патриарху Филарету поревновавшій!

Радуйся, благочестію и смиренію Царя Алексія послѣдовавшій!

Радуйся, твердостію воли Петру Великому уподобившійся!

Радуйся, добронравіе Царицы Елизаветы воспринявшій!

Радуйся, мудростію государственною матери твоя унаслѣдовавшій!

Радуйся, святой благоѣрный Царю-Мучениче Павле, скорый помощиче и преславный Чудотворче!

Кондакъ 3

Сила Христова оѣни тя, благовѣрне Павле, и дарова тебѣ крѣпость мужественно претерпѣти искушенія врага невидимаго, его же стрѣлы разженныя угасилъ еси слезными твоими къ Богу молитвами. Сего ради, яко побѣдитель, воспѣваеши съ безплотными силами пѣснь побѣдную: Аллилуйя!

Икосъ3

Имуще умъ и сердце Духомъ Святымъ озаренныя, свято и праведно жительствоваешь еси въ чертозехъ царстїихъ, обиды лукавыми царедворцы матери твоея ти чинимыя кротце терпѣлъ еси, молитвѣ и чтенію писанїй святоотеческихъ усердно прилежалъ еси. Мы же, сія нынѣ поминающе, молимъ ти, святой Павле, озари лучами добродѣтелей твоихъ и насъ, многогрѣшныхъ, величающихъ тя сице:

Радуйся, теплотою Божественной любви души наша согрѣвающій!

Радуйся, во обстояніяхъ скорбныхъ намъ помогающій!

Радуйся, свѣтомъ Христовымъ души наша озаряющій!

Радуйся, уповати на Творца насъ наставляющій!

Радуйся, за вся благодарити Господа подвизающій!

Радуйся, въ благочестїи жити насъ научающій!

Радуйся, отъ насилїя демонскаго свобождающій!

Радуйся, отъ искушенїй и соблазновъ избавляющій!

Радуйся, святой благовѣрный Царю-Мучениче Павле, скорый помощниче и преславный Чудотворче!

Кондакъ 4

Буря помышленїй лукавыхъ не смуди тя, благовѣрне Павле, волны мїрскихъ соблазновъ не поколебаша храмины духа твоего, противу козней бѣсовскихъ устоялъ еси, на Господа нашего упованїе возлагая, пѣснопя Ему: Аллилуйя!

Икосъ4

Слышавше многую хвалу твоему великому къ страждущимъ и обездоленнымъ милосердію, стекахуся къ тебѣ мнози въ бѣдахъ и злостраданїяхъ сущїи и вся потребная обрѣтаху. Мы же нынѣ, дивныя твоя благодѣянїя воспоминающе, смиренно молимъ тя, не остави и насъ милостїю твоею, испроси намъ у Христа-Царя вся къ живому временному и вѣчному потребная и прими величанїя сія:

Радуйся, во мнозехъ благодѣяніяхъ любовь къ людямъ показавшій!

Радуйся, состраданїемъ скорби бѣдствующихъ утѣлившій!

Радуйся, нищїя питавшій и убогїя призеравшій!

Радуйся, сирья и вдовицы заступавшій и всѣмъ просящимъ помощи помогавшій!

Радуйся, яко мудре расточалъ еси богатство тленное, текущее къ тебѣ!

Радуйся, примѣнившій оное на нетленныя блага вѣчныя!

Радуйся, наслаждаяйся блаженства праведныхъ!

Радуйся, ликовствуя въ селенїяхъ праведныхъ!

Радуйся, святой благовѣрный Царю-Мучениче Павле, скорый помощниче и преславный Чудотворче!

Кондакъ 5

Божественную благодать пріяти сподобился еси, егда соборомъ архипастырей въ Успенстемъ соборѣ града Москвы вѣнчанъ былъ еси на царствіе Россійское. Тою же благодатию просвѣщаемъ и укрѣпляемъ, мудро управлялъ еси народомъ твоимъ, за вся Творца и Спаса нашего благодаряще, въ сердцѣ своемъ пѣлъ еси Ему: Аллилуйя!

Икосъ 5

Видѣвши тя Россійстии людіе боговѣнчаннаго монарха на прародительстїи престолъ грядущаго, возрадовашася зело. Ты же, святыи Царю, мнозиа труды твоя положилъ еси на благо народа и державы твоя, нравовъ и обычаевъ вредоносныхъ искоренитель явился еси, сокрушеннымъ же сердцемъ твоимъ Давиду уподобился еси и мудрости Соломоновой поревновалъ еси. Сего ради и Господь въ лики святыхъ Своихъ тя вчини. Мы, сія вѣдуще, таковая похвалы приносимъ ти:

Радуйся, скипетръ царскїи достойно носивый!

Радуйся, царское служеніе со страхомъ совершивый!

Радуйся, могущество и славу державы Россійской укрѣпивый!

Радуйся, насадителю въ ней истиннаго просвѣщенїа и благочестїа!

Радуйся, крестоношенїемъ священнической санъ почтивый!

Радуйся, попеченїе велїе о Церкви Христовой явивый!

Радуйся, православныя вѣры великїи ревнителю!

Радуйся, закона и правды твердый хранителю!

Радуйся, святыи благовѣрный Царю-Мучениче Павле, скорый помощниче и преславный Чудотворче!

Кондакъ 6

Проповѣдника добрыхъ дѣлъ явилъ еси себѣ, богоблаженне Царю Павле, ты бо ревнуя о благочестїи, украшалъ еси храмы и обители, страждущимъ христіанамъ былъ сси покровитель, алчущимъ питатель и угаетеннымъ защитникъ. Сего ради надѣющися на твое милосердное о насъ попеченїе, усердно прибѣгаемъ къ твоему заступленїю, взывающе благодарственно Богу дивному во святыхъ Своихъ: Аллилуйя!

Икосъ 6

Возсіалъ еси державною мудростїю твоею, благовѣрный Царю, егда богоборному мятежу злочестивыми во странѣ гальстей воздвигнутому, противодѣтель явился еси. Тѣмъ же и благовѣрному воеводѣ твоему Князю Александру реклъ еси: «Гряди престолы царстїи спасти». Мы же, сія поминающе, величаемъ тя, яко христіанской государственности ревнителя и покровителя, и таковыя похвалы приносимъ ти:

Радуйся, сердца жестокиа благодатию преображающїи!

Радуйся, огонь вѣры истинныя и любви нелицемѣрныя возгрѣвающїи!

Радуйся, отъ тлетворнаго безбожїа страну нашу очищающїи!

Радуйся, къ земнымъ богатствамъ сердцемъ не прилѣплятися научающїи!

Радуйся, власть придержащихъ служить народу понуждающїи!

Радуйся, отъ похоти себялюбїа насъ отвращающїи!

Радуйся, страны твоя похвало и утвержденїе!

Радуйся, православному воинству ея сила и укрѣпленіе!

Радуйся, святой благовѣрный Царю-Мучениче Павле, скорый помощниче и преславный Чудотворче!

Кондакъ 7

Хотяй невозбранно духомъ въ горняя селенія возноситься, благовѣрный Царю, въ бушующемъ мірѣ душею надмірно пожилъ еси, подвигомъ добрымъ до конца подвизаясь, труды къ трудомъ прилагая неустанно и праведно Богу поя: Аллилуйя!

Икосъ 7

Новый прозорливецъ, древлимъ пророкомъ и великимъ старцемъ подобный бе, вѣщій инокъ Авель его же пріялъ еси, богомудрый Царю, въ палатехъ твоихъ. Той бо прорѣче ти о кончинѣ мученистей и грядущихъ судьбахъ Отечества нашего. Ты же, угодниче Христовъ, молитвъ его просяще, въ руце Божіи животъ твой предалъ еси. Мы же, вся сія нынѣ поминающе, таковыя похвалы приносимъ ти:

Радуйся, имѣяй сердце, всецѣло къ Богу устремленное!

Радуйся, вѣры непоколебимыя явленіе многочудесное!

Радуйся, злато въ горнилѣ искушенія очищенное!

Радуйся, древо при источникахъ водъ насажденное!

Радуйся, скорби и испытанія въ богатства духа обративый!

Радуйся, дѣланіемъ заповѣдей Евангельскихъ внутренняго чловѣка обновивый!

Радуйся, въ сердцѣ твоємъ образъ Христа носивый!

Радуйся, страданіями за Него мзду многу на небесехъ получивый!

Радуйся, святой благовѣрный Царю-Мучениче Павле, скорый помощниче и преславный Чудотворче!

Кондакъ 8

Странно бысть маловѣрнымъ людемъ Россійскимъ чудное житіе твое, боговѣнчанный Царю Павле, яко не о славѣ, но о Бозѣ и блазѣ державы твоя помышляя еси, и заповѣди Божіи съ любовью творилъ еси, сего ради и ополчился еси на тя врагъ рода чловѣческаго со приспѣшниками своима, злобно клеветаху на тя и понашаху имя твое честное, ты же по заповѣди Христовой за злохулителей твоихъ молился еси Господеви, пѣснопя Ему: Аллилуйя!

Икосъ 8

Весь исполненъ былъ еси любве къ Богу и ближнимъ твоимъ, благовѣрне Царю Павле, правленіемъ богомудрымъ, дѣлы милосердія, молитвою и кончиною мученическою угодилъ еси Христу Спасу нашему. Сего ради дерзновение веліе ко Господу имѣя, молишися за христіаны во всемъ мірѣ живущія и всѣмъ, съ вѣрою и любовію ты призывающимъ, помощь, отраду и уіѣшеніе даруеши. Тѣмъ же молимъ тя, не остави убо и насъ безъ твоего благодатнаго заступленія, да благодарственне зовемъ ти:

Радуйся, отъ райскихъ обителей въ юдоль плачевную нисходящій!

Радуйся, молитвы наша къ стопамъ Вседержителя и Богородицы возносящій!

Радуйся, бѣднымъ отраду и вспоможеніе дарующій!

Радуйся, богатыхъ къ милосердію и благотворенію подвизающій!
Радуйся, яко тобою бездну милосердія Божія призываемъ!
Радуйся, яко тобою спасеніе вѣчное уллучити чаемъ!
Радуйся, кающихъ грѣшниковъ отъ сѣтей діавольскихъ избавляющій!
Радуйся, милость и уіѣшеніе всѣмъ вѣрнымъ являющій!

Радуйся, святой благовѣрный Царю-Мучениче Павле, скорый помощниче и преславный Чудотворче!

Кондакъ 9

Всякъ возрастъ и всяко сословіе видя ревность и труды твоя, благовѣрне Царю Павле, молишь ты отъ всякія бѣды, скорби и напасти избавити ны въ нынѣшнемъ вѣцѣ. И въ будущемъ любовію твоею побѣждаемы чаемъ въ селеніяхъ праведныхъ купно съ тобою пѣти Богу: Аллилуйя!

Икосъ 9

Витійство наше пѣсенное не довлѣеть къ достойному прославленію чудесъ многихъ твоихъ, благовѣрный Царю-Мучениче Павле, обаче ты, яко благъ и милосердъ, не возгнушайся нашихъ недовлѣющихъ похвалъ, но милостивно услыши всѣхъ, съ любовію тебѣ зовущихъ сице:

Радуйся, унылыхъ и отчаявающихся утѣшителю!
Радуйся, усыпленныхъ совѣстей возбудителю!
Радуйся, путей покаянія и спасенія мудрый сказателю!
Радуйся, сердець мятущихся успокоителю!
Радуйся, злыхъ начинаній разорителю!
Радуйся, благихъ помысловъ насадителю!
Радуйся, святыхъ желаній внушителю!
Радуйся, отъ прилоговъ діавола защитителю!

Радуйся, святой благовѣрный Царю-Мучениче Павле, скорый помощниче и преславный Чудотворче!

Кондакъ 10

Спасеніе вѣчное унаслѣдовалъ еси, Страстотерпче святой Царю Павле, во страданіи животъ твой скончавше. Сего ради освятился еси и неизрѣченныя милости сподобился еси со ангелы и всѣми святыми въ небеснемъ царствіи пѣти Богу: Аллилуйя!

Икосъ 10

Стѣна крѣпкая, козными врага неодолимая, пребылъ еси до конца, благовѣрный Царю-Мучениче Павле, егда отъ обезумѣвшихъ подданныхъ твоихъ избіеніе тяжкое и смерть лютую пріялъ еси. Мы же ублажаемъ мученическую кончину твою и почитаемъ тя, яко молитвенника и покровителя не токмо страны Россійскія, но и всего міра христіанскаго, и любовію къ тебѣ подвизаемы, таковыш похвалы приносимъ ти:

Радуйся, царстій вѣнецъ на терновый смѣнивый!
Радуйся, за вѣру и Отечество животъ свой положивый!
Радуйся, до смерти вѣренъ Господу пребывый!
Радуйся, царскую порфиру кровію своею обогривый!
Радуйся, во Отечествѣ небеснемъ нынѣ пребывающій!
Радуйся, царствія земнаго твоего не оставляющій!

Радуйся, во смиреніи и терпѣніи насъ утверждающій!

Радуйся, милосердіе Творца нашего къ намъ приклоняющій!

Радуйся, святыи благовѣрный Царю-Мучениче Павле, скорый помощниче и преславный Чудотворче!

Кондакъ 11

Пѣніе молебное и похвалу сію смиренную не презри, Святыи Царю, се бо вѣрою и любовію къ тебѣ подвижаемы, ублажаемъ тя, заступника нашего, и молимся: молися за насъ вѣчно ко Господу, вѣмы бо къ Нему твое невозбранное дерзновение и твоихъ молитвъ благодатное дѣйство, и имуще такового предстателя, благодарно зовемъ дивному во святыхъ Своихъ Богу: Аллилуйя!

Икосъ 11

Свѣтодателя свѣща явился еси намъ, святыи благовѣрный Царю-Мучениче Павле, разгоняяи ночь нечесіи и освѣщаяи путь во тьмѣ грѣховъ и заблужденій ходящихъ. Нынѣ же убо умоляти не престай Христа Спаса и Владыку нашего, да не дасть намъ уклонитися отъ стези ко спасенію ведущей, и сподобитъ нынѣ чистымъ сердцемъ приносить ти похвалы сія:

Радуйся, свѣтильниче Господень, державу твою озаряющій!

Радуйся, омраченныя умы наши просвѣщающій!

Радуйся, къ покаянію всѣхъ насъ ныгаѣ призывающій!

Радуйся, обычаевъ душетленныхъ отвращаи насъ подвижающій!

Радуйся, нравы добрыя въ насъ насаждающій!

Радуйся, другъ друга тяготы носить насъ научающій!

Радуйся, окамененныя сердца наша оживляющій!

Радуйся, въ вѣрѣ и благочестіи насъ утверждающій!

Радуйся, святыи благовѣрный Царю-Мучениче Павле, скорый помощниче и преславный Чудотворче!

Кондакъ 12

Благодать данную ти отъ Бога вѣдуще, святыи Царю-Страстотерпче Павле, къ тебѣ, яко усердному молитвеннику и ходатаю спасенія нашего притекаемъ нынѣ и молимъ тя: испроси у Всемилостиваго Бога нашего даровати намъ согрѣшеній оставленіе, вѣры Православной утверженіе, во всякомъ благомъ дѣлѣ вспоможеніе, странъ нашей, градомъ и весямъ ея благословеніе, да въ радости поемъ прославившему Господу и Богу нашему: Аллилуйя!

Икосъ 12

Поюще всечестное житіе твое, благовѣрный Царю Павле, восхваляемъ пречестное имя твое, почитаемъ за Христа страданія твоя, удивляемся духовней твоей крѣпости, торжествуемъ многія чудеса, тобою во славу Божию сотворенныя, и съ любовію вспоминающе о подвизахъ твоихъ, восписуемъ ти сице:

Радуйся, вѣнцемъ побѣднымъ паче звѣздъ на небеси блистай!

Радуйся, тимпане сладкозвучный, славу Божию бряцай!

Радуйся, несокрушимый щите, защищай благочестіе!

Радуйся, мечу побѣдный, посѣщай злочестіе!

Радуйся, милованія источниче неоскудѣваемый!

Радуйся, благодати Духа Святаго кладезю неисчерпаемый!

Радуйся, чтущихъ память твою предъ Богомъ поминающій!

Радуйся, о прославляющихъ тя Господа умоляющій!

Радуйся, святой благовѣрный Царю-Мучениче Павле, скорый помощниче и преславный Чудотворче!

Кондакъ 13

О блаженный Царю-Мучениче Павле, страны Россійскія небесный покровитель и заступниче, приими малое сіе моленіе и призри на ны, прилежно просящія твоего молитвеннаго у Бога предстательства, испроси намъ у Христа Бога нашего чистоту тѣлесную и душевную, да въ мирѣ и покаяніи прочее время живота нашего проживемъ, достигнемъ небесныхъ обителей, идеже съ тобой и всѣми святыми сподобимся воспѣвати въ Троицѣ славимому Богу: Аллилуйя!

Сей Кондакъ глаголи трижды, таже Икосъ 1-й и Кондакъ 1-й.